

## STOMATOLOŠKA KOMORA FEDERACIJE BOSNE I HERCEGOVINE

Na osnovu člana 3. stav (3) i člana 7. Pravilnika o kontinuiranoj profesionalnoj edukaciji doktora stomatologije/doktora dentalne medicine iz oblasti minimalno invazivnih i nehirurških zahvata primjenom hijaluronskih punila i botulinom toksina tipa A, broj 01-11-135/26 od 13.03.2026.godine, Stomatološka komora Federacije Bosne i Hercegovine raspisuje:

### JAVNI POZIV za iskazivanje interesa za uvrštavanje na Listu ovlaštenih Organizatora edukacije

#### 1. Predmet Javnog poziva:

Predmet ovog poziva je prikupljanje prijave zdravstvenih ustanova i visokoškolskih organizacija (stomatoloških fakulteta/fakulteta dentalne medicine) radi utvrđivanja Liste ovlaštenih organizatora kontinuirane profesionalne edukacije iz oblasti primjene hijaluronskih punila i botulinom toksina tipa A saglasno Pravilniku o kontinuiranoj profesionalnoj edukaciji doktora stomatologije/doktora dentalne medicine iz oblasti minimalno invazivnih i nehirurških zahvata primjenom hijaluronskih punila i botulinom toksina tipa A, broj 01-11-136-1/26 od 13.03.2026. godine (u daljem tekstu: Pravilnik).

#### 2. Pravo učešća:

Pravo podnošenja zahtjeva imaju:

- Stomatološki fakulteti / Fakulteti dentalne medicine koji su akreditovani u skladu sa važećim propisima o visokom obrazovanju u Bosni i Hercegovini, a koji svoju djelatnost obavljaju i registrovani su na području Federacije Bosne i Hercegovine.
- Zdravstvene ustanove (bolnice, poliklinike i druge ustanove) koje posjeduju važeće rješenje nadležnog kantonalnog ili Federalnog ministarstva zdravstva u Federaciji BiH o ispunjenosti uvjeta u pogledu prostora, opreme i kadra za obavljanje predmetne djelatnosti.

#### 3. Opis poslova Organizatora edukacije

Poslovi i zadaci Organizatora edukacije utvrđeni su u Pravilnikom koji je dostupan na internet stranici Stomatološke komore FBiH?

#### 4. Uvjeti za Organizatore edukacije:

Prijavljeni subjekti na Javni poziv moraju ispunjavati uvjete iz člana 6. Pravilnika, kao i sljedeće uvjete i to imati:

- Adekvatne prostorne uvjete (učionica za teoriju i opremljena ambulanta sa prostorijom za hitne intervencije),
- Medicinska sredstva i lijekove upisane u Registar Agencije za lijekove i medicinska sredstva BiH,
- Antišok terapiju i protokole za hitne slučajeve,
- Stručni kadar (mentore) sa dokazanom stručnošću u navedenoj oblasti,
- Prijedlog nastavnog silabusa usklađen sa Okvirnim planom i programom Nosioca edukacije.

#### 5. Potrebna dokumentacija:

Podnositelji prijave na Javni poziv su dužni dostaviti:

1. **Popunjen Prijavni obrazac (Prilog 5. Pravilnika).**
2. **Rješenje nadležnog ministarstva zdravstva u Federaciji BiH o ispunjenosti uvjeta za obavljanje zdravstvene djelatnosti,**
3. **Rješenje o akreditaciji (za fakultete) izdato od nadležne agencije, saglasno propisima o visokom obrazovanju u BiH,**
4. **Prijedlog nastavnog silabusa edukacije usklađen sa Okvirnim Planom i programom osnovne edukacije Nosioca edukacije utvrđenim Pravilnikom,**
5. **Listu mentora sa biografijama (CV) koje potvrđuju stručnost u oblasti minimalno invazivnih i nehirurških zahvata primjenom hijaluronskih punila i botulina toksina tipa A, te listu drugog kadra za provođenje edukacije,**
6. **Izjavu potpisanu od ovlaštenog lica podnositelja prijave o ispunjavanju i uvjeta navedenih u tački 3. alineja jedan, dva i tri ovog Javnog poziva.**

#### 6. Način i rok podnošenja prijava

Prijave sa traženom dokumentacijom dostavljaju se u zatvorenoj koverti putem pošte ili direktno na protokol Stomatološke komore FBiH na adresu:

**Stomatološka komora FBiH, Braće Begić 38, Sarajevo, sa obaveznom naznakom: „Prijava na Javni poziv za iskazivanje interesa za uvrštavanje na Listu ovlaštenih Organizatora edukacije- Ne otvaraj“.**

Javni poziv ostaje otvoren **30 dana** od dana objavljivanja na internet stranici Stomatološke Komore FBiH.

**Neblagovremne i nepotpune prijave neće biti razmatrane.**

#### 7. Postupak odabira Organizatora edukacije:

Stručno vijeće Komore izvršiti će provjeru dokumentacije po svakoj prijavi na Javni poziv, u roku od 15 dana od zatvaranja Javnog poziva.

Upravni odbor donosi konačnu Odluku o uvrštavanju na Listu ovlaštenih Organizatora edukacije.

Sa odabranim Organizatorima edukacije Nositelj edukacije- Stomatološka komora FBiH zaključiti će Ugovor o poslovno-tehničkoj saradnji kojim se uređuju međusobna prava, obaveze i odgovornosti u procesu provođenja edukacije u skladu sa Pravilnikom.

Nakon zaključenja Ugovora o poslovno-tehničkoj saradnji sa odabranim Organizatorima edukacije, Lista ovlaštenih Organizatora edukacije objavljuje na internet stranici Stomatološke komore FBiH i ista predstavlja javni dokument.

Podnositelju prijave čija prijava bude odbijena dostavlja se Odluka Upravnog odbora o odbijanju zahtjeva sa razlozima odbijanja, na koju se može izjaviti žalba Predsjedniku Stomatološke komore FBiH, u roku od 15 dana od dana prijema Odluke.

## 7. Ostale napomene:

Nakon okončanja postupka, prijave i dokumentacija se neće vraćati subjektima koji su aplicirali na ovaj Javni poziv.

Dostavljeni lični podaci o mentorima i drugom kadru koje provode edukaciju, na ovaj Javni poziv, obrađivati će se u skladu sa Zakonom o zaštiti ličnih podataka.

**PREDSJEDNIK  
STOMATOLOŠKE KOMORE FBiH  
Prim.dr. Mirsad Tokić**

**Broj: 02-11-156/26**

**S a r a j e v o, 23.03.2026. godine**